



Халқ сўзи

Ўзбекистон — келажаги буюк давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2020 йил 1 январь, № 1 (7503)

Чоршанба

Сайтимизга ўтиш учун QR-коднинг телефонингиз орқали сканер қилинг.



ЎЗБЕКИСТОН ХАЛҚИГА ЯНГИ ЙИЛ ТАБРИГИ



Азиз ватандошлар!

Мана шу қувончли лаҳзаларда сиз, азизларни, кўп миллатли бугун халқимизни Янги йил байрами билан чин қалбимдан муборакбод этаман! Барчангизга сихат-саломатлик, оилавий бахт тилайман!

Ўтиб бораётган йил мамлакатимиз учун унутилмас воқеаларга бой бўлди. Турли қийинчилик ва синовларни ҳам бошимиздан кечирдик.

Халқимизнинг фидокорона меҳнати билан Фаол инвестициялар ва ижтимоий ривожланиш йилида улкан ютуқларга эришдик. Мамлакатимиз салоҳияти ва рақобатбардорлигини ошириш йўлида янги қадамлар қўйилди.

Иқтисодий тармоқларнинг етакчи соҳа ва тармоқлари жадал ривожланмоқда. Юқори технологияларга асосланган замонавий

корхоналар, янги транспорт тизимлари ишга туширилмоқда.

Миришкор деҳқон ва фермерларимиз, мураккаб об-ҳаво шароитига қарамасдан, мўл ҳосил етиштирилди.

Кичик бизнес ва хусусий тадбиркорликка кенг йўл очилди.

Йил давомида ҳудудларда аҳоли, айниқса, ёшларимиз, хотин-қизлар учун кўплаб янги иш ўринлари яратилди.

Давлат дастурлари асосида шаҳар ва қишлоқларимиз, юртимиз қиёфаси бутунлай ўзгармоқда.

2019 йилда минг-минглаб юртдошларимиз, жумладан, кам таъминланган оилалар шинам уй-жойларга эга бўлдилар.

Илм-фан, таълим ва тарбия соҳасида туб бурилиш даври бошланди. Янги-янги боғча ва мактаблар, олий ўқув

юртлари, етакчи хорижий университетларнинг филиаллари, шифохоналар, маданият ва спорт масканлари бунёд этилмоқда.

Энг муҳими, одамларимизнинг ҳаёт даражаси, Ватан тақдирига дахлдорлик туйғуси, эртанги кунга ишончи тобора кучаймоқда.

Жамиятимизда демократия тамойиллари, очкилик ва эркинлик муҳити чуқур қарор топмоқда.

Куни кеча Олий Мажлис ва маҳаллий Кенгашларга бўлиб ўтган сайловлар бундан яққол тасдиқлади. Сайловлар Ўзбекистон демократик тараққиёт йўлидан ортга қайтмаслигини яна бир бор исботлади.

Мустақиллигимиз, оқсоғида ҳаётимиз кафолати бўлган Қуроли Кучларимизнинг жанговар салоҳияти мустаҳкамланмоқда.

Тинчликсевар ва амалий ташқи сиёсат

олиб бораётган давлатимизнинг халқаро майдондаги обрў-эътибори ортиб бормоқда. Мухтасар айтганда, 2019 йил янги Ўзбекистон тарихида ҳар томонлама ёрқин из қолдирмоқда.

Хурматли юртдошлар! Биз миллий юксалишнинг муҳим босқичига қадам қўймоқдамиз.

2020 йилда ҳам иқтисодий ва ижтимоий соҳаларда кенг кўламли ислохотларимизни фаол давом эттирамиз.

Хусусий мулк, тадбиркорлик ва бизнес учун янада қулай муҳит яратишга, янги иш ўринлари ташкил этишга алоҳида аҳамият қаратамиз. Иш ҳақи, пенсия, стипендия ва нафақаларни, аҳоли реал даромадларини кўпайтириш эътиборимиз марказида бўлади.

Одамларимизнинг яшаш шароитини, коммунал-маиший хизмат сифатини яхшилаш, арзон ва қулай уй-жойлар қуриш бўйича бошлаган ишларимизни янада кенгайтираемиз.

Фарзандларимизга муносиб таълим ва тарбия беришга, уларнинг қобилият ва истеъдодини рўёбга чиқаришга барча куч ва имкониятларимизни сафарбар этамиз.

Аҳоли саломатлигини мустаҳкамлаш, соғлом турмуш тарзини қарор топтиришга қаратилган ишларимиз янги босқичга кўтарилади.

Нуроний фахрийларимиз, мунис опасингилларимизга эътибор ва ғамхўрликни янада кучайтираемиз.

Ижтимоий ҳимоя ва кўмакка муҳтож юртдошларимизни доимий қўллаб-қувватлашга биринчи даражали аҳамият берамиз.

Тинчлик ва барқарорликни, жамиятимизда ўзаро ҳурмат ва аҳуллиқни мустаҳкамлаш асосий вазифамиз бўлиб қолади.

Бу борада дунё ҳамжамияти, аввало, ён қўшнилари билан самарали ҳамкорликни ҳар томонлама кучайтираемиз.

Азиз юртдошларимиз, қадрдонларим! 2020 йил ҳар бир оила, ҳар қайси хонадонга қут-баракат, бахт ва омад олиб келсин!

Барча эзгу мақсадларимиз рўёбга чиқсин! Жонажон Ўзбекистонимиз гуллаб-яшнасин!

Янги йил барчамизга муборак бўлсин!

Шавкат МИРЗИЁЕВ,
Ўзбекистон Республикаси
Президенти

Ўзбекистон Республикаси Президенти Матбуот хизмати сурати.

РАҚАМЛАР ЭМАС, НАТИЖА МУҲИМ

Ўзбекистон Республикаси Президенти Шавкат Мирзиёев 2019 йилнинг охириги иш кунинда парламент палаталари раҳбарлари, ҳукумат аъзолари, вазирлик ва идоралар мутасаддилари билан учрашиб, йил ақунларини сарҳисоб қилди, 2020 йилги муҳим вазифаларни белгилаб берди.

Мамлакатимизда барча соҳада дадил ислохотлар амалга оширилмоқда. Иқтисодиёт тармоқларини замон талаблари асосида модернизация қилиш, ҳудудлар имкониятларини тўла юзга чиқариб, аҳоли фаровонлигини оширишга қаратилган ҳуқуқий ҳужжатлар қабул қилинмоқда.

Ташаббус ва тақдирлар қўллаб-қувватланиб, молиявий, ташкилий жиҳатлари ҳал қилиб берилмоқда.

Бундай кенг кўламли ишлар натижаси ҳар бир жабҳада сезилаяпти. Илгари иложсиздек туюлган масалаларга энчм топилмоқда. Энг муҳими, халқнинг турмуш шароити яхшиланимоқда, оддий одамлар давлатдан, ҳаётдан рози бўляпти.

Юртимиздаги ўзгаришларни жаҳон ҳамжамияти ҳам тан олмоқда. Хусусан, дунёдаги энг нуфузли нашрлардан бири бўлган Буюк Британиянинг "The Economist" журнали Ўзбекистонни 2019 йилда энг жадал ислохотларни амалга оширган давлат — "Йил мамлақати" деб эътироф этди.

Шунингдек, Жаҳон банкининг 2019 йилги "Бизнес юритиш" рейтингига ҳам Ўзбекистон энг илғор ислохотчи мамлакатлар қаторидан ўрин олди.

Бундай муваффақиятлар 2020 йилда ҳам давомли бўлиши, янада яхшилланиши учун тармоқлар ва ҳудудларни ривожлантириш бўйича

қабул қилинган қарорларни бажариб, энг юқори натижаларни таъминлаш лозим.

Давлатимиз раҳбари бугун эришилган натижалар ҳали марра эмаслигини, олдимизда аҳолининг турмуш шароитини янада яхшилаш, мамлакатимизнинг иқтисодий кудратини ошириш, имкониятлардан кенгроқ фойдаланиш учун 2020 йил синовий йили бўлишини таъкидлади.

Йигилишда 2019 йилда йўл қўйилган хатолардан тўғри хулоса чиқариб, 2020 йилга белгиланган чора-тадбирларни амалга ошириш, масъул ижрочилар ва муддатларни белгилаб олиш зарурлиги таъкидланди. Шунингдек, бевосита жойларга бориб, уларнинг ижросини ташкил қилиш ва доимий назоратни таъминлаш кераклиги қайд этилди.

Вазирлар Маҳкамаси ижро ҳокимияти фаолиятини самарали ташкил этиб, ҳар бир вазирлик, давлат қўмитаси ва бошқа идораларнинг 2020 йил ҳар чораги учун фаолият самарадорлиги кўрсаткичларини ишлаб чиқиши ва ижросини катъий назоратга олиши зарурлиги таъкидланди.

Келаси йилда давлат корхоналарини самарали бошқариш ва иқтисодиётда давлат улушини камайтириш бўйича жиддий ўзгаришлар қилиш зарурлиги таъкидланди.

Инвестиция дастуридаги

инфратузилма объектларини қуриш ва ишга тушириш бўйича янги тизим жорий этиш, транспорт, айниқса, темир йўл ва авиация соҳасида бошланган ислохотларни жадаллаштириш вазифаси қўйилди.

Курилиш-пудрат ва лойиҳа бозорини тартибга солиш, бу бозорда эркин рақобат муҳитини ва замонавий шаҳарсозлик меъёрларини жорий этиш, қурилишнинг арзонлаштириш бўйича топшириқлар берилди. Шу билан бирга, ичимлик суви, иссиқлик таъминоти соҳасидаги долзарб вазифаларни амалга ошириш зарурлиги қайд этилди.

Макроиқтисодий барқарорликни таъминлаш, инфляцияни пасайтириш, нарх-навоми шакллантиришни тўлиқ бозор муносабатларига ўтказиш, эркин рақобат муҳитини яратиш бўйича кўрсатмалар берилди.

Шунингдек, истеъмол товарлари, айниқса, озиқ-овқат маҳсулотлари ишлаб чиқаришни кенгайтириш ва ҳаражатларни камайтириш орқали нарх-навоининг кескин ошишига йўл қўймаслик лозим.

Банк соҳасидаги ислохотларни давом эттириш, қулай ва сифатли банк хизматларини кенгайтириш ҳам муҳимлиги таъкидланди.

ЎЗБЕКИСТОН ПРЕЗИДЕНТИНИНГ ТУРКИЯ ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА

Ўзбекистон Республикаси Президенти Шавкат Мирзиёев 31 декабрь куни Туркия Республикаси Президенти Режеп Таййип Эрдуғон билан телефон орқали мулоқот қилди.

Давлат раҳбарлари кириб келаётган Янги йил билан бир-бирларини самимий кутладилар.

2019 йил мамлакатларимиз ўртасидаги дўстлик ва стратегик шериклик муносабатларини мустаҳкамлашда муҳим бўлгани мамнуният билан таъкидланди. Ўзбекистоннинг Туркий тилли давлатлар ҳамкорлик Кенгашига тўла ҳуқуқли аъзо сифатида киришининг тарихий аҳамияти қайд этилди.

Турли даражадаги алоқалар сезиларли фаоллашди, ўзаро манфаатли савдо-иқтисодий ва инвестициявий ҳамкорлик изчил ривожланимоқда, истиқболли қўшма лойиҳалар

амалга оширилиб, илмий-техник ва маданий-гуманитар алмашинувлар кенгаймоқда.

Мулоқотда Президентлар бўлажак олий даражадаги учрашувлар сиёсат, иқтисодиёт, транспорт коммуникациялари, туризм, таълим, соғлиқни сақлаш ва бошқа йўналишлардаги ўзаро манфаатли шерикликни янада мустаҳкамлаш учун муҳим аҳамият касб этишини таъкидладилар.

Шунингдек, халқаро ва минтақавий аҳамиятга молик масалалар юзасидан фикр алмашилди.

Ў.А.

Қутловлар келиши давом этмоқда.

ҚОҒОЗБОЗЛИК ВА БЮРОКРАТИЯГА ЗАРБА



Президентнинг "Бюрократик тўсиқларни янада қисқартириш ҳамда давлат органлари ва ташкилотлари фаолиятига замонавий бошқарув тамойилларини жорий қилиш чора-тадбирлари тўғрисида"ги қарорига мувофиқ

2020 йил 1 январдан бошлаб

- ✓ маҳаллий ижро этувчи ҳокимият органларининг алоҳида функция ва ваколатлари тегишли давлат бошқаруви органларининг ҳудудий бўлинмаларига **ЎТКАЗИЛМОҚДА;**
- ✓ маҳаллий ижро этувчи ҳокимият органларининг қатор функция ва ваколатлари **ЧИҚАРИБ ТАШЛАНМОҚДА;**
- ✓ давлат органлари ва ташкилотлари **28 ТУРДАГИ ҲУҶЖАТЛАРНИ** фуқаролардан талаб қилиши, фуқароларнинг ўзини ўзи бошқариш органлари томонидан уларнинг берилишига йўл қўйилмайди;
- ✓ Президент ва ҳукумат ҳужжатлари билан тузилган алоҳида идоралараро коллегиял органлар **ТУГАТИЛМОҚДА.**

2021 йил 1 январдан бошлаб давлат органлари ва ташкилотлари, уларнинг таркибий бўлинмалари ўртасида ҳужжат айланиши ҳамда ҳисоботларни юритиш фақат электрон кўринишда шакллантирилади ва амалга оширилади.



Адли вазирлиги маълумотлари асосида тайёрланди.

«ЯНГИЛАНАЁТГАН ЎЗБЕКИСТОН ТАРАҚҚИЁТИГА ЎЗ ҲИССАМИЗНИ ҚЎШАМИЗ»

Поёнига етган йил, айниқса, ёшлар ҳаётига ўзгача шуқуқ олиб кирди, десак, муболаға бўлмайди. Янги қонун ва қарорлар, амалга оширилаётган ислохотлар, ўзгариш ва янгиланишларнинг катта қисми ёшлар учун. Бу навқирон авлоднинг эртанги кунга ишончини янада мустақамлаб, юксак марралар сари интилишга ундайди. Буни ёшларнинг қуйидаги дил сўзларидан ҳам англаш мумкин.



Дилзода ҲАМИДЖОНОВА,
Тошкент тўқимачилик ва енгил санаят институти талабаси:

— 2019 йилда кўплаб республика ва халқаро форумларда, мода ҳафталикларида қатнашдим. «Ўзбекистон баҳори — 2019» фестивалида голибликни кўлга киритдим. Йил мобайнида эришган энг катта муваффақиятим, шубҳасиз, Президент стипендианти бўлганлигимдир. Бу ҳаётимда янги саҳифалар очди. Ўз устимда ишлашга, изланишга ундади. Бу йил «Беқасам матосининг хусусиятлари ва уларнинг замонавий либосда қўлланилиши» мавзудаги илмий изланишларимни муваффақиятли тамомлашни ва кенг жамоатчиликка тақдим этишни режалаштирганман.

Юлдуз ЎРМОНОВА
(«Халқ сўзи») ёзиб олди.

Дил сўзи



Темур ГИЁЗОВ,
Енгил атлетика бўйича халқаро тоифадаги спорт устаси, Ўзбекистон миллий Паралимпия терма жамоаси аъзоси:

— Саккиз йилдан буён енгил атлетика спорт тури билан шуғулланаман. Йил мобайнида турли мусобақалар, тадбирларда иштирок этарканман, асло ҳаракатдан тўхтамадим. Ўз устимда тинимсиз ишладим. Жакарта шаҳрида ўтказилган Парасиё ўйинларида қатнашганимда ва олтин медални кўлга киритганимда меҳнатларим, албатта, ўз мевасини беришига ишончим янада ортди. Бирлашган Араб Амирликларида ўтказилган Жаҳон чемпионатида муваффақиятли иштирок этиб, 2020 йили Токиода бўлиб ўтадиган ёзги Паралимпия ўйинлари йўлланмасини кўлга киритдим. Янги йилдан умидларим катта. Насиб бўлса, Ватанимиз байроғини яна юксакларга кўтараман.

Шоҳжаҳон ЭЛМУРОДОВ,
Чжэцзян педагогика университети магистранти (Хитой):



— 2019 йилда кўлга киритган энг катта ютуғим грант асосида хориз университетида таълим олиш имкониятини кўлга киритганлигимдир. Ўзбекистон журналистика ва оммавий коммуникациялар университети ҳамда мамлакатимиздаги Хитой Халқ Республикаси элчихонаси ҳамкорлиги самараси ўлароқ бугунги кунда жаҳоннинг нуфузли олий ўқув юртидан бирида таҳсил оляпман. Бу ерда юзга яқин ўзбек ёшлари билан турли йўналишларда ўқиямиз. Барчамизнинг ниятимиз бир: замонавий билимларни эгаллаб, она Ватанимизга қайтиш ва янгиланаётган Ўзбекистон тараққиётига ўз ҳиссамизни қўшишдир.

Реклама ўрнида

ЯНГИ ЙИЛИНГИЗ БИЛАН!

Хурматли юртдошлар, азиз тадбиркорлар!
«Узчармсаноат» уюшмаси
2020 йил билан
барчангизни муборакбод этади.

Ушбу йилда ҳар бир ватандошимизга янги марраларни забт этишда, мамлакатимизнинг ижтимоий ва иқтисодий ҳаётида улкан зафарлар ёр бўлсин!

Хонадонингизга тинчлик ва файзу барака тилаймиз. Ҳамиша соғ-саломат бўлинг! Гўзал ва бетакрор юртимиз тинч-осойишта, олижаноб ва бағри кенг халқимиз ҳамиша омон бўлсин!

@uzcharmsanoat
www.uzcharm.uz

Uzkimyosanoat

«Ўзкимёсаноат»
акциядорлик жамияти
халқимизни

Янги йил байрами билан
чин юракдан тадбирқлайди.

Ушбу йил халқимизга
бахт ва омад олиб келсин.

2020 йилда барча эзгу ниятлар
ижобат бўлсин.

Байрам кўтлуғ келсин, азизлар!

«ASL OYNA» МЧЖ

Жамоаси барча
юртдошларимизни кириб келган

Янги — 2020 йил
билан самимий қутлайди.

Сиз, азизларга
муштақам
соғлиқ,
оилавий
хотирэсамлик
ва фаровонлик
тилайди.

Байрам муборак бўлсин!

Халқ сўзи
Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 156. 60 552 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нарҳда.

Таҳриратта келган қўламалар тақриз қилинмайди ва муаллифга қайтариб берилади.
Газетанинг сўзга берилиши учун обунани расмийлаштирган ташкилот жаобгар.
Газета таҳрират компьютер марказида терилди ҳамда оператор М. Бегмуратов томонидан саҳифаланди.
Газетанинг полиграфик жиҳатдан сифатли чоп этилишига «Шарқ» нашриёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:
100000,
Тошкент шаҳри,
Матбуотчилар кўчаси, 32-уй.
Навбатчи муҳаррир — Д. Содиқов.
Мусаҳҳиҳ — С. Исломов.

Газетанинг ҳақидаги маълумотларни юклай олиш учун QR-коднинг телефонингиз орқали сканер қилинг.

ТЕЛЕФОНЛАР:
Девонхона 71-233-52-55;
Котибият 71-233-10-28; Эълонлар 71-232-11-15.

ISSN 2010-4788

«Шарқ» нашриёт-матбаа акциядорлик компанияси босмахонаси. Корхона манзили:
Буёқ Турон кўчаси, 41. ЎЗА яқуни — 20.00 Топширилди — 20.50 1 2 3 4 5 6